

MBK giat kutip 500 kilogram bangkai ikan di tasik

HM 16/7/24 MS 3

Kuantan: Lebih 500 kilogram (kg) bangkai ikan lam-pam dan tilapia yang mati dalam tasik Taman Bandar Indera Mahkota di sini, sudah dikutip sejak seminggu lalu.

Tugas berkenaan dilakukan dua kakitangan Majlis Bandaraya Kuantan (MBK) yang memungut bangkai ikan menggunakan sauk dengan menaiki bot gentian kaca.

Ketua Seksyen Perhubungan Awam dan Korporat Majlis Bandaraya Kuantan (MBK) Norkamawati Kamal berkata, kerja memungut bangkai ikan lampam dan



KAKITANGAN MBK memungut bangkai ikan dalam tasik Taman Bandar Indera Mahkota, Kuantan.

tilapia perlu dilakukan bagi kawasan tasik tidak berbau busuk.

Menurutnya, kerja pe-

lupusan ikan dilakukan dua hari sekali bergantung pada jumlah ikan mati, sekiranya jumlah ikan mati terlalu ba-

nyak kerja memungut dilakukan setiap hari bermula jam 10 pagi.

“Ini kali kedua kes ikan mati dengan jumlah yang banyak dalam tempoh yang panjang, sebelum ini kes sama berlaku tetapi hanya berlaku selama dua hari sahaja.

“Kali ini sudah lebih seminggu ikan mati secara berterusan. Sejak kes kematian ikan berlaku di tasik Taman Bandar minggu lalu, rata-rata pengunjung terkilan dengan apa yang berlaku dan berharap pihak berwajib mencari kaedah terbaik memastikan kejadian sama ti-

dak terus berulang.

“Ikan yang banyak mati turut menyebabkan kawasan tasik berbau bangkai ikan hingga mengganggu aktiviti pengunjung,” katanya di sini, semalam.

Norkamawati berkata, Jabatan Alam Sekitar (JAS) mendakwa ujian dilakukan mendapati kadar oksigen terlarut adalah di bawah 1.0 mg/L dan rendah berbanding julat normal bagi kehidupan akuatik iaitu 4.0 - 6.0 mg/L.

Menurutnya, kadar oksigen terlarut yang rendah dipercayai faktor utama menyebabkan kematian ikan.